

**D.R. 22/2004**

**RANG UNDANG-UNDANG**

*bernama*

Suatu Akta untuk meminda Akta Keselamatan Sosial Pekerja 1969.

**DIPERBUAT** oleh Parlimen Malaysia seperti yang berikut:

**Tajuk ringkas dan permulaan kuat kuasa**

**1.** (1) Akta ini bolehlah dinamakan Akta Keselamatan Sosial Pekerja (Pindaan) 2004.

(2) Akta ini mula berkuat kuasa pada tarikh yang ditetapkan oleh Menteri melalui pemberitahuan dalam *Warta*.

**Pindaan seksyen 2**

**2.** Akta Keselamatan Sosial Pekerja 1969 [*Akta 4*], yang disebut "Akta ibu" dalam Akta ini, dipinda dalam seksyen 2—

(a) dalam subseksyen (3), dalam takrif "orang tanggungan"—

(i) dengan menggantikan perenggan (a) dengan perenggan yang berikut:

"(a) balu atau duda atau anak; dan"; dan

*Rang Undang-Undang (ii)*

dalam perenggan (b) —

(A) dengan menggantikan perkataan "jika sepenuhnya atau sebahagiannya bergantung kepada pendapatan orang berinsurans pada masa kematiannya-" dengan perkataan "jika tiada balu atau duda atau anak-";

(B) dengan menggantikan subperenggan (ii) dengan subperenggan yang berikut:

"(ii) adik lelaki atau adik perempuan belum dewasa yang belum berkahwin atau adik perempuan belum dewasa yang telah menjadi balu;" dan

(C) dalam subperenggan (vi), dengan memotong perkataan "selain ibu yang menjadi balu;" dan

(b) dengan memasukkan selepas subseksyen (10) subseksyen yang berikut:

'(10A) "Pemeriksa"ertinya seseorang Pemeriksa yang dilantik di bawah seksyen 12 dan termasuklah Ketua Pengarah dan tiap-tiap Timbalan Ketua Pengarah;'.

**Pindaan seksyen 6**

**3. Subseksyen 6(10) Akta ibu dipinda—**

(a) dengan menggantikan noktah selepas perkataan "itu" dengan noktah bertindih; dan

(b) dengan memasukkan di bawah peruntukan yang sedia ada proviso yang berikut kepada subseksyen itu:

"Dengan syarat bahawa jika agregat gaji-gaji bulanan anggapan yang berlainan yang bersamaan dengan caruman yang berlainan melebihi gaji bulanan anggapan yang maksimum, maka gaji bulanan anggapan hendaklah gaji bulanan yang maksimum itu."

### **Pindaan seksyen 10**

#### **4. Seksyen 10 Akta ibu dipinda—**

- (a) dalam perenggan (d), dengan memasukkan selepas perkataan "catatan" perkataan "dengan cara yang diluluskan"; dan
- (b) dalam perenggan (e), dengan menggantikan perkataan "buku-buku atau borang-borang atau penggantian" dengan perkataan "bahan-bahan, buku-buku atau borang-borang atau penggantian bahan-bahan,".

### **Pindaan seksyen 12**

#### **5. Seksyen 12 Akta ibu dipinda—**

- (a) dalam subseksyen (1) —
  - (i) dengan menggantikan perkataan "Akta ini, bagi kawasan atau kawasan-kawasan yang ditetapkan olehnya kepada mereka:" dengan perkataan "Akta ini."; dan
  - (ii) dengan memotong proviso kepada subseksyen itu;
- (b) dengan menggantikan subseksyen (2) dengan subseksyen yang berikut:

"(2) Tertakluk kepada subseksyen (3), seseorang Pemeriksa yang dilantik di bawah subseksyen (1) hendaklah mempunyai semua kuasa, fungsi dan kewajipan yang diberikan di bawah Akta ini.";
- (c) dengan menggantikan subseksyen (3) dengan subseksyen yang berikut:

"(3) Seseorang Pemeriksa hendaklah tertakluk kepada arahan dan kawalan Ketua Pengarah atau mana-mana pegawai atau pekhidmat lain Pertubuhan yang diberi kuasa oleh Ketua Pengarah untuk bertindak bagi pihak Ketua Pengarah, dan mana-mana Pemeriksa lain yang

*Rang Undang-Undang*

berpangkat lebih tinggi daripada Pemeriksa itu, dan hendaklah menjalankan kuasanya, melaksanakan fungsinya dan menunaikan kewajibannya di bawah Akta ini dengan mematuhi segala arahan, petunjuk, syarat, sekatan atau batasan sebagaimana yang ditentukan secara lisan atau bertulis, sama ada secara am, atau dalam mana-mana hal atau keadaan tertentu, oleh Ketua Pengarah, atau seseorang pegawai atau pekhidmat Pertubuhan yang diberi kuasa untuk bertindak bagi pihak Ketua Pengarah, atau mana-mana Pemeriksa lain yang berpangkat lebih tinggi dari Pemeriksa itu."; dan

(d) dengan memasukkan selepas subseksyen (3) subseksyen yang berikut:

"(4) Ketua Pengarah dan Timbalan Ketua Pengarah hendaklah mempunyai semua kuasa seseorang Pemeriksa."

**Seksyen baru 12A, 12B dan 12c**

6. Akta ibu dipinda dengan memasukkan selepas seksyen 12 seksyen yang berikut:

**"Kuasa untuk memeriksa dan menggeledah**

**12A.** Tertakluk kepada mana-mana peraturan yang dibuat di bawah seksyen 105, seseorang Pemeriksa boleh pada bila-bila masa yang munasabah—

- (a) membuat pemeriksaan dan siasatan sebagaimana yang perlu untuk menentukan sama ada peruntukan Akta ini atau peraturan-peraturan atau kaedah-kaedah yang dibuat di bawahnya sedang atau telah dipatuhi;
- (b) pada bila-bila masa yang munasabah memasuki mana-mana premis atau tempat yang diduduki oleh majikan utama atau majikan langsung bagi maksud pemeriksaan dan siasatan sedemikian;

- (c) memeriksa majikan utama atau majikan langsung atau ejen atau pekhidmatnya atau mana-mana orang yang dijumpai di premis atau tempat itu atau mana-mana orang yang Pemeriksa ada sebab yang munasabah bagi mempercayai merupakan seorang pekerja atau pernah menjadi seorang pekerja;
- (d) membuat salinan-salinan atau mengambil cabutan-cabutan daripada mana-mana daftar, buku atau dokumen lain yang disimpan di premis atau tempat itu; dan
- (e) menjalankan apa-apa kuasa lain sebagaimana yang perlu bagi melaksanakan Akta ini.

### **Halangan terhadap penjalanan kuasa oleh Pemeriksa**

**12B.** (1) Tiada seorang pun boleh—

- (a) enggan memberi mana-mana Pemeriksa yang menjalankan kuasanya di bawah seksyen 12A akses kepada mana-mana premis atau tempat atau mana-mana bahagian premis atau tempat itu;
- (b) mengamang, menghalang, menggagal atau melengahkan Pemeriksa itu masuk yang berhak dilakukan olehnya;
- (c) tidak mematuhi apa-apa permintaan Pemeriksa yang sah di sisi undang-undang dalam melaksanakan kuasanya di bawah seksyen 12A;
- (d) enggan memberi Pemeriksa apa-apa maklumat yang secara munasabahnya dikehendaki daripada orang itu;
- (e) tidak mengemukakan kepada, atau menyembunyikan atau cuba untuk menyembunyikan daripada, seseorang Pemeriksa, apa-apa harta, buku atau dokumen lain termasuk rekod elektronik yang berhubungan dengannya Pemeriksa mempunyai alasan yang munasabah untuk mengesyaki bahawa suatu kesalahan telah atau sedang dilakukan di bawah Akta ini; atau
- (f) memberi Pemeriksa sebagai benar maklumat yang dia tahu atau mempunyai sebab untuk percaya adalah palsu.

## *Rang Undang-Undang*

(2) Mana-mana orang yang melanggar subseksyen (1) melakukan suatu kesalahan.

### **Kuasa untuk memeriksa orang**

**12c.** (1) Seseorang Pemeriksa yang membuat apa-apa pemeriksaan atau siasatan di bawah seksyen 1 2A boleh memeriksa secara lisan mana-mana orang yang dia percaya tahu tentang fakta dan keadaan kes itu dan boleh bagi maksud itu memanggil mana-mana orang sedemikian hadir pada masa dan di tempat yang dinyatakan dalam saman itu.

(2) Orang yang diperiksa di bawah subseksyen (1) adalah terikat di sisi undang-undang untuk menjawab semua soalan berhubung dengan kes itu yang dikemukakan kepadanya oleh Pemeriksa yang membuat pemeriksaan, tetapi orang itu boleh enggan menjawab apa-apa soalan yang mempunyai kecenderungan untuk mendedahkannya kepada pertuduhan jenayah atau penalti atau pelucuthakan.

(3) Seseorang yang membuat pernyataan di bawah seksyen ini adalah terikat di sisi undang-undang untuk menyatakan yang benar, sama ada atau tidak pernyataan itu dibuat pada keseluruhannya atau sebahagiannya bagi menjawab soalan.

(4) Seseorang Pemeriksa yang memeriksa seseorang di bawah subseksyen (1) hendaklah terlebih dahulu memaklumkan orang itu tentang peruntukan subseksyen (2) dan (3).

(5) Sesuatu pernyataan yang dibuat oleh mana-mana orang di bawah seksyen ini hendaklah, bila mana mungkin, diambil secara bertulis dan ditandatangani oleh orang yang membuatnya atau dicapkan dengan cap ibu jarinya, mengikut mana-mana yang berkenaan, selepas pernyataan itu dibacakan kepadanya dalam bahasa pernyataan itu dibuat olehnya dan selepas dia diberi peluang untuk membuat apa-apa pembetulan yang dia mahu.".

**Pindaan seksyen 13**

7. Akta ibu dipinda dengan menggantikan seksyen 13 dengan seksyen yang berikut:

**"Menetapkan caruman dalam hal-hal tertentu**

**13.** (1) Seseorang Pemeriksa boleh menaksir apa-apa caruman yang kena dibayar oleh mana-mana majikan utama atau langsung berdasarkan apa-apa maklumat yang ada, jika majikan itu—

- (a) tidak menyimpan atau menyenggarakan apa-apapenyata, butir, buku daftar atau apa-apa rekod berkaitan dengan setiap pekerja sebagaimana yang dikehendaki supaya disimpan atau disenggarakan olehnya di bawah Akta ini; atau
- (b) tidak atau enggan mengemukakan apa-apa penyata, butir, buku daftar atau rekod berkaitan dengan setiap pekerja sebagaimana yang dikehendaki di bawah Akta ini.

(2) Taksiran yang dibuat di bawah subseksyen (1) hendaklah menjadi bukti yang mencukupi tentang tuntutan Pertubuhan untuk mendapatkan balik apa-apa caruman di bawah seksyen 84 atau untuk mendapatkan amaun yang ditetapkan melalui taksiran itu sebagai hutang yang kena dibayar kepada Pertubuhan di bawah seksyen 14.

(3) Apa-apa taksiran yang dibuat di bawah seksyen ini hendaklah disampaikan sama ada sendiri atau melalui pos berdaftar."

**Seksyen baru 13A**

8. Akta ibu dipinda dengan memasukkan selepas seksyen 13 seksyen yang berikut:

**"Kuasa Ketua Pengarah meminta maklumat dan permohonan waran geledah**

**13A.** (1) Bagi maksud mendapatkan maklumat yang lengkap untuk menentukan sama ada mana-mana orang bertanggunggan

## *Rang Undang-Undang*

untuk membayar caruman di bawah Akta ini, Ketua Pengarah atau mana-mana Pemeriksa yang dilantik oleh Ketua Pengarah bagi maksud itu boleh melalui notis secara bertulis menghendaki mana-mana orang—

- (a) mengemukakan kepada Ketua Pengarah atau Pemeriksa itu dalam masa yang dinyatakan dalam notis itu apa-apa maklumat atau butir sebagaimana yang dinyatakan dalam notis itu; atau
- (b) hadir sendiri di hadapan Ketua Pengarah atau Pemeriksa itu dan mengemukakan untuk diperiksa semua buku, rekod dan dokumen lain termasuk rekod elektronik yang difikirkan perlu oleh Ketua Pengarah atau Pemeriksa itu; atau
- (c) mengemukakan maklumat atau butir mengikut perenggan (a) dan juga hadir mengikut perenggan (b).

(2) Mana-mana orang yang tidak mematuhi peruntukan subseksyen (1) melakukan suatu kesalahan.

(3) Jika didapati oleh mana-mana Majistret, berdasarkan maklumat bertulis yang dibuat secara bersumpah, dan selepas apa-apa siasatan yang difikirkannya perlu, bahawa terdapat alasan-alasan yang munasabah untuk mengesyaki bahawa terdapat di mana-mana premis tertentu apa-apa buku, akaun, rekod (termasuk rekod elektronik) atau dokumen lain, yang pengemukaannya telah dikehendaki menurut subseksyen (1) dan yang tidak dikemukakan bagi mematuhi kehendak itu, maka Majistret itu boleh mengeluarkan waran yang memberi kuasa kepada Ketua Pengarah atau mana-mana orang yang dinamakan di dalamnya, dengan atau tanpa pembantu—

- (a) untuk menggeledah premis itu dan memecah buka dan menggeledah apa-apa almari, laci, almari berlaci, peti, kotak, bungkusan atau bekas lain, sama ada suatu lekapan atau tidak, dalam premis itu; dan
- (b) untuk mengambil milik, atau melindungi daripada gangguan, apa-apa buku, akaun, rekod (termasuk rekod elektronik) atau dokumen lain yang tampak sebagai buku, akaun, rekod atau dokumen lain yang pengemukaannya dikehendaki sedemikian."

**Pindaan seksyen 14**

9. Seksyen 14 Akta ibu dipinda dengan memasukkan selepas perkataan "Apa-apa caruman" perkataan "atau bunga".

**Seksyen baru 14A**

10. Bahagian II Akta ibu dipinda dengan memasukkan selepas seksyen 14 seksyen yang berikut:

**"Bunga atas caruman tertunggak**

14A. Jika amaun caruman bulanan atau sebahagian daripada apa-apa caruman bulanan yang kena dibayar oleh majikan di bawah seksyen 6 tidak dibayar dalam apa-apa tempoh yang ditetapkan melalui peraturan-peraturan, majikan hendaklah bertanggungjawab untuk membayar bunga yang hendaklah dikreditkan kepada Pertubuhan atas apa-apa amaun pada apa-apa kadar yang boleh ditetapkan melalui peraturan-peraturan berkenaan dengan apa-apa tempoh yang amaun itu masih tidak dibayar."

**Pindaan seksyen 17**

11. Seksyen 17 Akta ibu dipinda—

- (a) dalam perenggan (2)(ii), dengan menggantikan perkataan "dia mula-mula masuk insurans di bawah Akta ini dan tarikh" dengan perkataan "apabila caruman mula-mula menjadi kena dibayar olehnya di bawah Akta ini dengan bulan sebaik sebelum bulan";
- (b) dalam subseksyen (3), dengan menggantikan perkataan "dia mula-mula masuk insurans di bawah Akta ini dengan tarikh" dengan perkataan "apabila caruman mula-mula menjadi kena dibayar olehnya di bawah Akta ini dengan bulan sebaik sebelum bulan"; dan
- (c) dengan memasukkan selepas subseksyen (3) subseksyen yang berikut:

"(3A) Jika orang berinsurans gagal menggenapkan tempoh kelayakan di bawah subseksyen (2) atau (3) dan Pertubuhan berpuas hati bahawa kegagalan itu bukanlah

disebabkan oleh apa-apa kesilapan orang berinsurans itu atau adalah disebabkan oleh kejahilan orang berinsurans itu, Pertubuhan boleh menganggap bahawa tempoh kelayakan itu telah digenapkan oleh orang berinsurans itu jika jemaah doktor, yang ditubuhkan menurut seksyen 32, yang kepadanya perkara itu dirujuk oleh Pertubuhan menentukan bahawa keilatan orang berinsurans itu telah bermula sebelum tarikh notis keilatan diterima oleh Pertubuhan mengikut peraturan-peraturan.

(3B) Jika Pertubuhan telah menganggap bahawa tempoh kelayakan telah digenapkan oleh orang berinsurans di bawah subseksyen (3 A), maka tarikh orang berinsurans itu mengemukakan notis keilatannya hendaklah disifatkan sebagai tarikh keilatannya bermula.

(3c) Walau apa pun subseksyen (2) dan (3), Pertubuhan mempunyai budi bicara untuk membenarkan tempoh kredit diambil kira bagi maksud menentukan genapnya tempoh kelayakan orang berinsurans, dan bulan-bulan dalam tempoh kredit yang baginya caruman kena dibayar hendaklah dimasukkan bagi maksud pengiraan jumlah bulan bagi maksud subseksyen itu.

(3D) Istilah "tempoh kredit" dalam subseksyen (3c) bererti tempoh orang berinsurans menerima faedah hilang upaya sementara dan majikan tidak membayar apa-apa gaji kepada orang berinsurans itu."

#### **Pindaan seksyen 17A**

12. Seksyen 17A Akta ibu dipinda dalam perenggan 2(b) dan subseksyen (3) dengan menggantikan perkataan "dia mula-mula masuk dalam insurans" dengan perkataan "apabila caruman mula-mula menjadi kena dibayar olehnya".

#### **Pindaan seksyen 20**

13. Seksyen 20 Akta ibu dipinda—

(a) dalam perenggan (1)(a), dengan menggantikan perkataan "dia mula-mula masuk insurans" dengan perkataan "apabila

caruman mula-mula menjadi kena dibayar olehnya di bawah Akta ini"; dan

- (b) dalam perenggan (2)(a), dengan menggantikan perkataan "tarikh" dengan perkataan "bulan".

#### **Pindaan seksyen 20A**

##### **14. Perenggan 20A(1)fa) Akta ibu dipinda—**

- (a) dengan menggantikan perkataan "balunya selama hayat atau sehingga berkahwin lagi," dengan perkataan "balu atau duda selama hayat,";
- (b) dengan menggantikan koma bernoktah di hujung perenggan itu dengan noktah bertindih; dan
- (c) dengan memasukkan di bawah peruntukan yang sedia ada proviso yang berikut kepada perenggan itu:

"Dengan syarat bahawa jika seseorang balu atau duda layak mendapat lebih daripada satu pencen penakat, balu atau duda itu hendaklah dibayar satu pencen sahaja, iaitu pencen yang kadarnya lebih tinggi."

#### **Pemotongan seksyen 20B**

##### **15. Akta ibu dipinda dengan memotong seksyen 20B.**

#### **Pindaan seksyen 21**

##### **16. Subseksyen 21(2) Akta ibu dipinda dengan menggantikan perkataan "dia mula-mula masuk insurans" dengan perkataan "caruman mula-mula menjadi kena dibayar olehnya di bawah Akta ini".**

#### **Pindaan seksyen 26**

##### **17. Perenggan 26(l)(a) Akta ibu dipinda—**

- (a) dengan menggantikan perkataan "balunya selama hayat atau sehingga berkahwin semula dan," dengan perkataan "balu atau duda selama hayat, dan,";

- (b) dengan menggantikan koma bernoktah di hujung perenggan itu dengan noktah bertindih; dan
- (c) dengan memasukkan di bawah peruntukan yang sedia ada proviso yang berikut kepada perenggan itu:

"Dengan syarat bahawa jika seseorang balu atau duda layak mendapat lebih daripada satu faedah orang tanggungan, balu atau duda itu hendaklah dibayar satu faedah sahaja, iaitu faedah yang kadarnya lebih tinggi."

### **Pemotongan seksyen 27**

18. Akta ibu dipinda dengan memotong seksyen 27.

### **Pindaan seksyen 29**

19. Seksyen 29 Akta ibu dipinda—

- (a) dalam perenggan *O*(b), dengan menggantikan perkataan "dia mula-mula masuk dalam insurans" dengan perkataan "apabila caruman mula-mula menjadi kena dibayar olehnya"; dan
- (b) dalam subseksyen (4), dengan menggantikan perkataan "dia mula-mula masuk dalam insurans" dengan perkataan "apabila caruman mula-mula menjadi kena dibayar olehnya".

### **Pindaan seksyen 30**

20. Seksyen 30 Akta ibu dipinda dalam proviso kepada seksyen itu dengan memasukkan selepas perkataan "oleh suatu jemaah doktor" perkataan "atau Jemaah Doktor Khas".

### **Seksyen baru 32A**

21. Akta ibu dipinda dengan memasukkan selepas seksyen 32 seksyen yang berikut:

#### **"Menentukan penyakit khidmat**

32A. (1) Apa-apa persoalan sama ada sesuatu bencana kerja disebabkan oleh penyakit khidmat sebagaimana yang dinyatakan dalam Jadual Kelima boleh ditentukan oleh suatu jemaah

doktor yang dikenali sebagai Jemaah Doktor Khas yang ditubuhkan mengikut peraturan-peraturan.

(2) Jemaah Doktor Khas hendaklah memeriksa orang yang hilang upaya dan menghantar laporan dalam bentuk sebagaimana yang ditetapkan oleh Pertubuhan dengan menyatakan—

- (a) sama ada orang yang hilang upaya itu mengidap satu atau lebih daripada satu penyakit yang dinyatakan dalam Jadual itu;
- (b) sama ada penyakit yang berkaitan telah mengakibatkan hilang upaya yang kekal;
- (c) sama ada takat kehilangan upaya mencari nafkah boleh ditaksir secara sementara atau muktamad;
- (d) taksiran tentang kadar hilang upaya mencari nafkah itu, dan bagi taksiran sementara, tempoh selama bila taksiran itu boleh dipakai.

(3) Pertubuhan boleh merujuk apa-apa taksiran yang bersifat sementara kepada Jemaah Doktor Khas bagi tujuan ulang kaji tidak lewat daripada akhir tempoh yang diambil kira dalam taksiran sementara itu.

(4) Apa-apa keputusan Jemaah Doktor Khas boleh diulang kaji olehnya pada bila-bila masa.

(5) Orang yang hilang upaya hendaklah dimaklumkan secara bertulis oleh Pertubuhan tentang keputusan Jemaah Doktor Khas dan faedah, jika ada, yang berhak didapati oleh orang berinsurans itu.

#### **Pindaan** seksyen 34

22. Seksyen 34 Akta ibu dipinda—

- (a) dalam subseksyen (1), dengan memasukkan selepas perkataan "keputusan jemaah doktor" perkataan "(termasuk Jemaah Doktor Khas)"; dan
- (b) dalam subseksyen (3), dengan menggantikan perkataan "lima" dengan perkataan "tiga".

**Pindaan seksyen 49**

23. Perenggan 49(2)(a) Akta ibu dipinda dengan memasukkan selepas perkataan "Akta ini" dengan perkataan ", jika amaun yang diperoleh daripada pekerjaan sedemikian lebih daripada satu pertiga daripada gaji puratanya sebelum keilatan".

**Pindaan seksyen 50**

24. Seksyen 50 Akta ibu dipinda dengan memasukkan selepas subseksyen (1) subseksyen yang berikut:

"(1A) Jika mana-mana orang itu telah menerima apa-apa faedah atau bayaran di bawah Akta ini sedangkan dia tidak berhak kepadanya, dan selepas itu menjadi layak untuk mendapat faedah lain di bawah Akta ini, maka Pertubuhan berhak mendapatkan nilai faedah itu atau amaun bayaran itu daripada faedah lain itu yang dia berhak kepadanya."

**Seksyen baru 57B dan 57c**

25. Bahagian III Akta ibu dipinda dengan memasukkan selepas seksyen 57A seksyen yang berikut:

**"Pertubuhan hendaklah bertanggungjawab bagi mendapatkan dan memungut bayaran balik pinjaman pendidikan**

**57B.** (1) Pertubuhan hendaklah bertanggungjawab bagi mendapatkan dan memungut bayaran balik pinjaman pendidikan yang telah dibayar kepada anak tanggungan di bawah seksyen 57A.

(2) Sesuatu pinjaman pendidikan yang tidak dibayar balik atau yang menjadi tertunggak hendaklah dianggap sebagai hutang sivil yang terhutang oleh anak tanggungan kepada Pertubuhan dan Pertubuhan boleh menggunakan apa-apa

cara yang dibenarkan di bawah undang-undang bagi mendapatkan hutang itu.

**Pelantikan ejen pemungutan**

**57c.** Pertubuhan, dengan kelulusan Menteri, boleh melantik apa-apa bilangan ejen bagi maksud mendapatkan pinjaman pendidikan yang telah dibayar kepada anak tanggungan di bawah seksyen 57A."

**Pindaan seksyen 59N**

**26.** Subseksyen 59N(1) Akta ibu dipinda dalam proviso kepada subseksyen itu dengan menggantikan perkataan "Kumpulan "D"" dengan perkataan "Gred 11".

**Pindaan seksyen 59w**

**27.** Subseksyen 59w(5) Akta ibu dipinda dengan memasukkan selepas perkataan "Lembaga" perkataan "Rayuan".

**Pindaan seksyen 64**

**28.** Akta ibu dipinda dengan menggantikan seksyen 64 dengan seksyen yang berikut:

**"Fi dan elaun**

**64.** Ahli-ahli Lembaga dan Panel Pelaburan hendaklah menerima fi, elaun dan apa-apa faedah lain yang ditentukan oleh Menteri dari semasa ke semasa."

**Pindaan seksyen 71**

**29.** Perenggan 71(vii) Akta ibu dipinda dengan memasukkan selepas perkataan "kebajikan orang-orang berinsurans" perkataan "atau orang tanggungan".

**Pindaan seksyen 83****30. Seksyen 83 Akta ibu dipinda—**

- (a) dengan menggantikan subseksyen (5) dan (6) dengan subseksyen yang berikut:

"(5) Dua orang pengapit itu hendaklah mewakili majikan dan pekerja dan hendaklah dipilih oleh Pengerusi daripada panel orang yang dilantik di bawah subseksyen (6).

(6) Menteri hendaklah, selepas berunding dengan mana-mana pertubuhan yang masing-masing mewakili majikan dan pekerja sebagaimana yang difikirkannya patut, melantik suatu panel yang terdiri daripada apa-apa bilangan orang yang difikirkannya sesuai untuk berkhidmat sebagai pengapit."; dan

- (b) dengan memotong subseksyen (7) dan (8).

**Pindaan seksyen 94****31. Seksyen 94 Akta ibu dipinda—**

- (a) dalam perenggan (a), dengan menggantikan perkataan "yang dia bertanggungjawab membayarnya di bawah Akta ini" dengan perkataan "atau mana-mana bahagiannya yang kena dibayar olehnya di bawah Akta ini atau tidak membayar dalam masa yang ditetapkan melalui peraturan-peraturan apa-apa bunga yang kena dibayar di bawah seksyen 14A"; dan

- (b) dalam perenggan (e), dengan menggantikan perkataan "yang dikehendaki dalam peraturan-peraturan atau membuat sesuatu penyata palsu" dengan perkataan "atau laporan kemalangan yang dikehendaki oleh peraturan-peraturan, atau membuat sesuatu penyata atau laporan palsu".

**Pindaan seksyen 94A****32. Seksyen 94A Akta ibu dipinda—**

- (a) dalam subseksyen (1), dengan memasukkan selepas perkataan "dia didapati bersalah itu" perkataan ", dan

perakuan pegawai berkuasa itu hendaklah menjadi keterangan *prima facie* tentang amaun yang genap masa dan kena dibayar itu";

- (b) dalam subseksyen (2), dengan memasukkan selepas perkataan "[Akta 593]" perkataan ", kecuali bahawa jika Mahkamah mengarahkan supaya pembayaran jumlah wang itu dibuat secara ansuran, Mahkamah hendaklah mengarahkan supaya jumlah wang itu dibayar dengan tidak lebih daripada enam ansuran"; dan
- (c) dengan memasukkan selepas subseksyen (2) subseksyen yang berikut:

"(3) Apabila seseorang itu didapati bersalah atas mana-mana kesalahan di bawah seksyen 94(e) berkenaan dengan pengemukaan laporan kemalangan, Mahkamah yang di hadapannya orang itu didapati bersalah hendaklah memerintahkan orang itu mengemukakan laporan kemalangan yang dikehendaki itu dalam masa yang ditentukan oleh Mahkamah."

### **Pindaan seksyen 95**

#### **33. Seksyen 95 Akta ibu dipinda—**

- (a) dengan menggantikan subseksyen (1) dengan subseksyen yang berikut:

"(1) Tiada pendakwaan boleh dimulakan bagi sesuatu kesalahan di bawah Akta ini atau mana-mana peraturan yang dibuat di bawah Akta ini kecuali oleh atau dengan keizinan bertulis Pendakwa Raya."; dan

- (b) dengan memotong subseksyen (2).

### **Seksyen baru 95A**

#### **34. Bahagian VI Akta ibu dipinda dengan memasukkan selepas seksyen 95 seksyen yang berikut:**

##### **"Mengkompaunkan kesalahan**

**95A.** (1) Ketua Pengarah atau mana-mana pegawai yang diberi kuasa secara bertulis oleh Ketua Pengarah boleh

mengkompaunkan mana-mana kesalahan yang dilakukan oleh mana-mana orang di bawah Akta ini atau peraturan-peraturan yang dibuat di bawah Akta ini dan yang ditetapkan oleh Menteri melalui peraturan-peraturan yang dibuat di bawah Akta ini sebagai kesalahan yang boleh dikompaunkan dengan membuat tawaran bertulis kepada orang yang disyaki telah melakukan kesalahan itu untuk mengkompaunkan kesalahan itu apabila dibayar kepada Ketua Pengarah suatu amaun wang yang tidak melebihi lima puluh peratus daripada amaun denda maksimum bagi kesalahan itu dalam masa yang dinyatakan dalam tawaran itu.

(2) Sesuatu tawaran di bawah subseksyen (1) boleh dibuat pada bila-bila masa selepas kesalahan itu dilakukan, tetapi sebelum apa-apa pendakwaan baginya dimulakan, dan jika amaun yang dinyatakan dalam tawaran itu tidak dibayar dalam masa yang dinyatakan dalam tawaran itu atau dalam apa-apa tempoh lanjutan yang dibenarkan oleh Ketua Pengarah, pendakwaan bagi kesalahan itu boleh dimulakan bila-bila masa selepas itu terhadap orang yang kepadanya tawaran itu telah dibuat.

(3) Jika sesuatu kesalahan telah dikompaunkan di bawah subseksyen (1), tiada pendakwaan boleh dimulakan berkenaan dengan kesalahan itu terhadap orang yang kepadanya tawaran untuk mengkompaun itu telah dibuat dan apa-apa benda yang disita berkaitan dengan kesalahan itu boleh dilepaskan atau dilucuthakkan oleh Ketua Pengarah, tertakluk kepada apa-apa terma dan syarat yang difikirkannya patut."

### **Seksyen baru 103A**

**35.** Bahagian VII Akta ibu dipinda dengan memasukkan selepas seksyen 103 seksyen yang berikut:

#### **"Pelupusan dokumen selepas tiga tahun**

**103A.** (1) Ketua Pengarah boleh membenarkan mana-mana dokumen kertas kepunyaan Pertubuhan disalin ke atas bahan tara elektronik dengan cara yang akan memastikan bahawa imej tepat dokumen itu dapat dilihat, dikeluarkan semula dan disalin.

(2) Jika sesuatu dokumen kertas telah disalin mengikut subseksyen (1), Ketua Pengarah boleh membenarkan pelupusan dokumen kertas itu selepas tamat tempoh tiga tahun dari pembuatan salinan elektronik itu.

(3) Sesuatu salinan dokumen yang disimpan pada bahan tara elektronik mengikut subseksyen (1) hendaklah boleh diterima sebagai keterangan tentang apa-apa fakta yang dinyatakan di dalamnya mengikut seksyen 90A Akta Keterangan 1950 [*Akta 56*]."

### **Pindaan seksyen 105**

#### **36. Subseksyen 105(2) Akta ibu dipinda—**

(a) dalam perenggan (xx)—

(i) dengan memasukkan selepas perkataan "penyata-penyata" dimana-mana jua terdapat perkataan "dan laporan-laporan";

(ii) dengan memasukkan selepas perkataan "penyata-penyata," di mana-mana jua terdapat perkataan "laporan-laporan,"; dan

(iii) dengan menggantikan perkataan "penyata-penyata itu dikehendaki" dengan perkataan "penyata-penyata dan laporan-laporan itu dikehendaki";

(b) dengan memasukkan selepas perenggan (xx) perenggan yang berikut:

"(xxa) kesalahan yang boleh dikompaunkan dan tatacara bagi mengkompaunkan kesalahan;"; dan

(c) dengan memasukkan selepas perenggan (xxi) perenggan yang berikut:

"(xxia) keanggotaan jemaah doktor, termasuk Jemaah Doktor Khas;".

**Seksyen baru 108A**

37. Bahagian VII Akta ibu dipinda dengan memasukkan selepas seksyen 108 seksyen yang berikut:

**"Tanggungannya bersama dan berasingan pengarah-pengarah**

**108A.** Jika apa-apa jumlah wang yang merupakan caruman berserta apa-apa bunga yang kena dibayar atasnya masih tidak dibayar oleh sesuatu syarikat, firma atau persatuan orang, maka, walau apa pun apa-apa jua yang berlawanan dalam Akta ini atau mana-mana undang-undang bertulis lain, pengarah-pengarah syarikat itu termasuk mana-mana orang yang merupakan pengarah syarikat itu dalam tempoh caruman itu kena dibayar, atau anggota firma itu termasuk mana-mana orang yang merupakan anggota firma itu dalam tempoh caruman itu kena dibayar atau pemegang jawatan persatuan orang itu, termasuk mana-mana orang yang merupakan pemegang jawatan persatuan itu dalam tempoh caruman itu kena dibayar, mengikut mana-mana yang berkenaan, hendaklah bersama-sama dengan syarikat, firma atau persatuan orang itu bertanggungjawab secara bersama dan berasingan bagi caruman itu berserta bunga yang genap masa dan kena dibayar atasnya kepada Pertubuhan."

**Pindaan Jadual Pertama**

38. Perenggan (1) Jadual Pertama kepada Akta ibu dipinda dengan menggantikan perkataan "dua" di mana-mana jua terdapat dengan perkataan "tiga".

**Pindaan Jadual Ketiga**

39. Jadual Ketiga kepada Akta ibu dipinda—

(a) dalam perenggan 2—

(i) dalam butiran 24, dengan memasukkan selepas perkataan "RM 1,900" perkataan "tetapi tidak melebihi RM2,000"; dan

(ii) dengan memasukkan selepas butiran 24 butiran yang berikut:

	<i>Gaji Bulanan</i>	<i>Caruman Majikan</i>	<i>Caruman Pekerja</i>	<i>Jumlah</i>
"25. Apabila gaji melebihi RM2.000 tetapi tidak melebihi RM2.100	RM35.85	RM10.25	RM46.10	
26. Apabila gaji melebihi RM2,100 tetapi tidak melebihi RM2.200	RM37.65	RM10.75	RM48.40	
27. Apabila gaji melebihi RM2.200 tetapi tidak melebihi RM2,300	RM39.35	RM11.25	RM50.60	
28. Apabila gaji melebihi RM2,300 tetapi tidak melebihi RM2.400	RM41.15	RM11.75	RM52.90	
29. Apabila gaji melebihi RM2,400 tetapi tidak melebihi RM2.500	RM42.85	RM12.25	RM55.10	
30. Apabila gaji melebihi RM2.500 tetapi tidak melebihi RM2.600	RM44.65	RM12.75	RM57.40	

<i>Rang</i>	<i>Caruman</i>		
<i>Gaji Bulanan</i>	<i>Caruman Majikan</i>		
<i>Undang-Undang</i>			
31. Apabila gaji melebihi RM2,600 tetapi tidak melebihi RM2,700	<i>Jumlah</i> RM46.35		RM13.25
			RM59.60
32. Apabila gaji melebihi RM2,700 tetapi tidak melebihi RM2,800	RM48.15	RM13.75	RM61.90
33. Apabila gaji melebihi RM2,800 tetapi tidak melebihi RM2,900	RM49.85	RM14.25	RM64.10
34. Apabila gaji melebihi RM2,900	RM51.65	RM14.75	RM66.40

dan

(b) dalam perenggan 4—

- (i) dalam butiran 24, dengan memasukkan selepas perkataan "RM 1,900" perkataan "tetapi tidak melebihi RM2,000"; dan
- (ii) dengan memasukkan selepas butiran 24 butiran yang berikut:

<i>Gaji Bulanan</i>	<i>Caruman</i>
	<i>n</i>
	<i>Majikan</i>
25. Apabila gaji melebihi RM2,000 tetapi tidak melebihi RM2,100	RM25.60
26. Apabila gaji melebihi RM2,100 tetapi tidak melebihi RM2,200	RM26.90
27. Apabila gaji melebihi RM2,200 tetapi tidak melebihi RM2,300	RM28.10

<i>Gaji Bulanan</i>	<i>Caruman Majikan</i>
28. Apabila gaji melebihi RM2.300 tetapi tidak melebihi RM2.400	RM29.40
29. Apabila gaji melebihi RM2.400 tetapi tidak melebihi RM2,500	RM30.60
30. Apabila gaji melebihi RM2,500 tetapi tidak melebihi RM2,600	RM31.90
31. Apabila gaji melebihi RM2,600 tetapi tidak melebihi RM2.700	RM33.10
32. Apabila gaji melebihi RM2J00 tetapi tidak melebihi RM2,800	RM34.40
33. Apabila gaji melebihi RM2.800 tetapi tidak melebihi RM2.900	RM35.60
34. Apabila gaji melebihi RM2.900	RM36.90".

### **Pindaan Jadual Keempat**

#### **40. Jadual Keempat kepada Akta ibu dipinda—**

*(a)* dalam perenggan 4—

- (i) dalam butiran 13 dengan menggantikan perkataan \* "RM19.20" dengan perkataan "RM19.10";
- (ii) dalam butiran 24, dengan memasukkan selepas perkataan "RM 1,900" perkataan "tetapi tidak melebihi RM2,000"; dan
- (iii) dengan memasukkan selepas butiran 24 butiran yang berikut:

<i>Gaji bulanan yang sebenar bagi bulan itu</i>	<i>Jenis Pertama</i>	<i>Jenis Kedua</i>	<i>Gaji bulanan anggapan yang bersamaan bagi bulan itu</i>
	RM46.10	RM25.60	RM2,050.00

25. Apabila gaji melebihi RM2,000 tetapi tidak melebihi RM2,100

*Rang Undang-Undang*

<i>Gaji bulanan yang sebenar bagi bulan itu</i>	<i>Jenis Pertama</i>	<i>Jenis Kedua</i>	<i>Gaji bulanan anggapan bersama bagi bulan itu</i>
26. Apabila gaji melebihi RM2,100 tetapi tidak melebihi RM2,200	RM48.40	RM26.90	RM2,150.00
27. Apabila gaji melebihi RM2,200 tetapi tidak melebihi RM2,300	RM50.60	RM28.10	RM2,250.00
28. Apabila gaji melebihi RM2,300 tetapi tidak melebihi RM2,400	RM52.90	RM29.40	RM2,350.00
29. Apabila gaji melebihi RM2,400 tetapi tidak melebihi RM2,500	RM55.10	RM30.60	RM2,450.00
30. Apabila gaji melebihi RM2,500 tetapi tidak melebihi RM2,600	RM57.40	RM31.90	RM2,550.00
31. Apabila gaji melebihi RM2,600 tetapi tidak melebihi RM2,700	RM59.60	RM33.10	RM2,650.00

<i>Gaji bulanan yang sebenar bagi bulan itu</i>	<i>Jenis Pertama</i>	<i>Jenis Kedua</i>	<i>Gaji bulanan anggapan bersamaan bagi bulan itu</i>
32. Apabila gaji melebihi RM2,700 tetapi tidak melebihi RM2,800	RM61.90	RM34.40	RM2,750.00
33. Apabila gaji melebihi RM2,800 tetapi tidak melebihi RM2,900	RM64.10	RM35.60	RM2,850.00
34. Apabila gaji melebihi RM2,900	RM66.40	RM36.90	RM2,950.00";

(b) dengan memotong perenggan 6;

(c) dalam perenggan 8 —

(i) dalam subperenggan (i), dengan memasukkan selepas perkataan "balu" perkataan "atau duda";

(ii) dalam proviso pertama kepada perenggan itu, dengan memasukkan selepas perkataan "balu" perkataan "atau duda" ; dan

(iii) dalam proviso kedua kepada perenggan itu, dengan menggantikan perkataan "jika balu berkahwin lagi atau" dengan perkataan "duda atau jika balu atau duda";

(d) dalam perenggan 9, dengan memasukkan selepas perkataan "balu" perkataan "atau duda"; dan

(e) dengan memotong perenggan 10.

**Pindaan Jadual Kelapan****41. Jadual Kelapan kepada Akta ibu dipinda—**

- (a) dalam perenggan 2, dengan menggantikan perkataan "dia masuk dalam insurans" dengan perkataan "apabila caruman mula-mula menjadi kena dibayar olehnya";
- (b) dalam perenggan 5 —
  - (i) dalam subperenggan (a) dan proviso pertama kepada perenggan itu, dengan memasukkan selepas perkataan "balu" di mana-mana jua terdapat perkataan "atau duda";
  - (ii) dalam proviso kedua kepada perenggan itu, dengan menggantikan perkataan "jika balu berkahwin lagi atau" dengan perkataan "duda atau jika balu atau duda"; dan
- (c) dalam perenggan 6 dengan memasukkan selepas perkataan "balu" perkataan "atau duda"; dan
- (d) dengan memotong perenggan 7.

**Pindaan Jadual Kesepuluh****42. Jadual Kesepuluh kepada Akta ibu dipinda —**

- (a) dalam butiran 1 —
  - (i) di bawah tajuk "*Kategori Pegawai*", dengan menggantikan perkataan 'Kumpulan "A"' dengan perkataan "Gred 21"; dan
  - (ii) di bawah tajuk "*Lembaga Kenaikan Pangkat*", dengan menggantikan perkataan "termasuk Ketua Pengarah," dengan perkataan "termasuk Ketua Pengarah, dan seorang wakil dari Kementerian yang bertanggungjawab bagi sumber manusia,";
- (b) dalam butiran 2, di bawah tajuk "*Kategori Pegawai*", dengan menggantikan perkataan 'Kumpulan "B" & "C"' dengan perkataan "Gred 12 hingga Gred 20"; dan

(c) dalam butiran 3 —

- (i) di bawah tajuk "*Kategori Pegawai*", dengan menggantikan perkataan "Kumpulan"D" dengan perkataan "Gred 11 ke bawah"; dan
- (ii) di bawah tajuk "*Lembaga Kenaikan Pangkat*", dengan menggantikan perkataan "Kumpulan "A" dengan perkataan "Gred 21".

---

HURAIAN

Rang Undang-Undang ini bertujuan untuk meminda Akta Keselamatan Sosial Pekerja 1969 ("Akta 4").

2. *Fasal 1* Rang Undang-Undang ini mengandungi tajuk ringkas dan kuasa Menteri untuk menetapkan tarikh permulaan kuat kuasa Akta yang dicadangkan.

3. *Fasal 2* Rang Undang-Undang ini bertujuan untuk meminda subseksyen 2(3) Akta 4 untuk memasukkan duda dalam takrif "orang tanggungan".

4. *Fasal 3* Rang Undang-Undang ini bertujuan untuk meminda seksyen 6 Akta 4 bagi menjelaskan keadaan apabila agregat gaji bulanan anggapan orang berinsurans melebihi gaji bulanan anggapan maksimum yang ditetapkan.

5. *Fasal 4* Rang Undang-Undang ini bertujuan untuk meminda seksyen 10 Akta 4 bagi memasukkan rekod pada bahan tara elektronik ke dalam ruang lingkup kuasa Menteri untuk membuat peraturan-peraturan berkenaan dengan kaedah pembayaran caruman.

6. *Fasal 6* Rang Undang-Undang ini bertujuan untuk meminda Akta 4 bagi memasukkan seksyen baru 12A, 12B dan 12c ke dalam Akta itu. Seksyen baru itu memperkatakan kuasa Pemeriksa untuk membuat siasatan dan memeriksa seseorang, dan juga menjadikannya suatu kesalahan jika seseorang itu menghalang seseorang Pemeriksa menjalankan kuasa sedemikian.

7. *Fasal 7* Rang Undang-Undang ini bertujuan untuk meminda seksyen 13 Akta 4 untuk memberi Pemeriksa kuasa untuk mentaksir caruman yang kena dibayar oleh seseorang majikan dalam keadaan apabila majikan itu tidak mengemukakan butir-butir, dsb., para pekerjanya.

8. *Fasal 8* Rang Undang-Undang ini bertujuan untuk meminda Akta 4 dengan memasukkan seksyen baru 13A yang membuat peruntukan tentang kuasa Ketua Pengarah untuk mendapatkan maklumat daripada mana-mana orang untuk menentukan sama ada orang itu bertanggung untuk membayar caruman di bawah Akta itu. Seksyen itu juga mengandungi peruntukan yang membenarkan Ketua Pengarah memohon waran geledah daripada Majistret.

9. *Fasal 10* Rang Undang-Undang ini bertujuan untuk meminda Akta 4 dengan memasukkan seksyen baru 14A bagi mengenakan bunga ke atas caruman yang tidak dibayar dalam masa yang telah ditetapkan.

10. *Fasal 11* Rang Undang-Undang ini bertujuan untuk meminda seksyen 17 Akta 4 bagi membolehkan orang berinsurans memenuhi syarat kelayakan untuk pencen ilat dalam keadaan di mana keilatan itu telah berlaku lebih awal tetapi notis keilatan tidak dikemukakan kepada Pertubuhan Keselamatan Sosial kerana kejahilannya atau faktor lain yang bukan merupakan kesilapan orang berinsurans itu. Pindaan ini juga mengambil kira bulan-bulan apabila caruman berkenaan dengan pekerja itu tidak dibayar kerana pekerja itu menerima faedah hilang upaya sementara akibat bencana kerja dan majikan tidak membayar gajinya.

11. *Fasal 14* Rang Undang-Undang ini bertujuan untuk meminda perenggan 20A(lfa) Akta 4 untuk membolehkan pencen penakat dibayar kepada balu atau duda untuk seumur hidupnya. Walau bagaimanapun, balu atau duda akan hanya dibayar satu pencen penakat, iaitu pencen yang kadarnya lebih tinggi, sekiranya dia layak menerima lebih daripada satu pencen.

12. *Fasal 21* Rang Undang-Undang ini bertujuan untuk meminda Akta 4 dengan memasukkan seksyen baru 32A ke dalam Akta itu. Seksyen baru 32A membuat peruntukan mengenai Jemaah Doktor Khas untuk memeriksa orang berinsurans yang mengalami penyakit khidmat yang disenaraikan di bawah Jadual Kelima kepada Akta.

13. *Fasal 22* Rang Undang-Undang ini bertujuan untuk meminda seksyen 34 Akta 4 bagi memendekkan tempoh menunggu sesuatu permohonan ulang kaji ke atas keputusan yang dibuat oleh jemaah doktor atau jemaah doktor rayuan daripada lima tahun kepada tiga tahun.

14. *Fasal 23* Rang Undang-Undang ini bertujuan untuk meminda seksyen 49 Akta 4 dengan memasukkan proviso tambahan kepada seksyen itu. Tujuan proviso tambahan ini ialah untuk menggalakkan orang berinsurans bekerja dengan aktif dan seterusnya menyumbang kepada perkembangan ekonomi negara. Pada masa ini, pencen ilat digantung jika dan selagi seseorang pesara ilat itu masih bekerja dan jika dia mendapat pekerjaan yang baru, dia sekali lagi diinsurankan di bawah akta ini. Melalui pindaan ini, pesara ilat itu akan terus menerima pencen selagi dia tidak mempunyai lebih daripada satu pertiga daripada purata gajinya sebelum keilatannya.

15. *Fasal 24* Rang Undang-Undang ini bertujuan untuk meminda seksyen 50 Akta 4 dengan memasukkan seksyen baru (1A) ke dalam seksyen itu untuk membolehkan Pertubuhan mendapatkan kembali apa-apa faedah terlebih atau amaun faedah yang tidak betul yang telah dibayar kepada orang berinsurans daripada faedah-faedah lain yang orang berinsurans itu berhak kepadanya kemudiannya.

16. *Fasal 25* Rang Undang-Undang ini bertujuan untuk meminda Akta 4 dengan memasukkan seksyen baru 57B dan 57c ke dalam Akta itu. Seksyen baru 57B meletakkan tanggungjawab pada Pertubuhan untuk mendapatkan kembali

dan mengutip bayaran balik pinjaman pendidikan. Pinjaman sedemikian dianggap sebagai hutang sivil. Seksyen baru 57c bertujuan untuk memberi Pertubuhan kuasa untuk melantik ejen bagi pengutipan pinjaman itu.

17. *Fasal 30* Rang Undang-Undang ini bertujuan untuk meminda subseksyen 83(5) dan (6) Akta 4 untuk membolehkan suatu panel orang dilantik oleh Menteri yang daripadanya pengapit-pengapit akan dipilih bagi tujuan mewakili majikan dan pekerja dalam Jemaah Rayuan Keselamatan Sosial. Pindaan ini akan memudahkan penubuhan Jemaah sedemikian.

18. *Fasal 31* Rang Undang-Undang ini bertujuan untuk meminda seksyen 94 Akta 4 untuk membolehkan Pertubuhan mendakwa majikan yang tidak membayar sebahagian daripada mana-mana caruman atau bunga atas caruman yang kena dibayar di bawah Akta ini.

19. *Fasal 32* Rang Undang-Undang ini bertujuan untuk meminda subseksyen 94A(2) Akta 4 bagi memperuntukkan bahawa Majistret hanya boleh membenarkan pembayaran ansuran tunggakan caruman atau bunga atas caruman sebanyak enam kali sahaja. *Fasal* ini juga bertujuan untuk memasukkan subseksyen baru (3) ke dalam seksyen 94A Akta itu bagi membolehkan Mahkamah memerintahkan majikan yang didapati bersalah oleh Mahkamah itu supaya mengemukakan laporan kemalangan yang dikehendaki kepada Pertubuhan.

20. *Fasal 33* Rang Undang-Undang ini bertujuan untuk meminda seksyen 95 Akta 4 supaya pendakwaan bagi sesuatu kesalahan di bawah Akta itu hanya boleh dimulakan oleh atau dengan keizinan Pendakwa Raya.

21. *Fasal 34* Rang Undang-Undang ini bertujuan untuk meminda Akta 4 dengan memasukkan seksyen baru 95A ke dalam Akta itu untuk memberikan kuasa kepada Ketua Pengarah atau mana-mana pegawai yang diberi kuasa olehnya secara bertulis untuk mengkompaun mana-mana kesalahan yang telah dilakukan di bawah peraturan-peraturan yang dibuat di bawah Akta itu.

22. *Fasal 35* Rang Undang-Undang ini bertujuan untuk meminda Akta 4 dengan memasukkan seksyen baru 103A ke dalam Akta itu untuk memberikan kuasa kepada Ketua Pengarah untuk melupuskan dokumen-dokumen Pertubuhan yang telah disalin pada bahan tara elektronik. Ini dicadangkan untuk mengurangkan ruang penyimpanan dan kos. Walau bagaimanapun, Ketua Pengarah tidak boleh menggunakan kuasa itu sebelum tamat tempoh tiga tahun dari penyalinan sedemikian. Seksyen baru 103A juga memperuntukkan bahawa salinan elektronik sedemikian boleh diterima sebagai keterangan.

23. *Fasal 37* Rang Undang-Undang ini bertujuan untuk meminda Akta 4 dengan memasukkan seksyen baru 108 ke dalam Akta. Seksyen baru itu mengenakan tanggungan secara bersesama dan berasingan ke atas pengarah sesuatu syarikat atau pekongsi sesuatu firma atau pemegang jawatan sesuatu persatuan jika syarikat, firma atau persatuan itu tidak membayar caruman atau bunga atas caruman yang kena dibayar olehnya di bawah Akta ini sebagai majikan. Ini akan membolehkan Pertubuhan mendapatkan kembali tunggakan caruman dan bunga atasnya jika syarikat, firma atau persatuan itu dibubarkan.

24. *Fasal 38* Rang Undang-Undang ini bertujuan untuk meminda Jadual Pertama Akta 4. Pada masa ini seseorang yang memperoleh lebih daripada dua ribu ringgit sebulan dalam sesuatu industri yang baginya Akta itu terpakai tidak dianggap sebagai pekerja bagi maksud Akta itu. Pindaan ini bertujuan untuk menaikkan had itu kepada tiga ribu ringgit supaya lebih ramai pekerja akan dapat menikmati faedah di bawah Akta itu.

25. Pindaan-pindaan lain yang tidak disebut secara khusus dalam Huraian ini merupakan pindaan yang kecil atau berbangkit.

*IMPLIKASI KEWANGAN*

Rang Undang-Undang ini tidak akan melibatkan Kerajaan dalam apa-apa perbelanjaan wang tambahan.

[PN(U<sup>2</sup>)2358]